



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 28. De Illusione in domo Pilati.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

7. Qui se Christianos professi, ac minimum quidem molestiarum ferre possunt, & quavis exigua re turbantur & prosternuntur, contemplantur hoc patientiæ speculum, ut sub capite spinis coronato, pudeat ipsos esse membra delicata.



MEDITATIO XXVIII.  
DE VARIA ILLUSIONE  
DOMINI IN DOMO PILATI.

PUNCTA MEDITATIONIS.

- Mat. 27* I. Dederunt arundinem in dextera eius.  
*Mar. 15.* II. Genuflexo illudebant dicentes: AVE  
*Ioan. 19.* REX IUDAEORVM.  
III. Expuentes in eum, accepta arundine percutiebant caput eius, & dabant ei alaphas.

F. I G V R A.

*2. Re. 16.* DAVID fugiens Abtalonem, cum tritis, discalceatus, operto capite incideret, à Semei inimico maledictis, & irrisionibus, simul etiam iniurijs & contumelijs affectus est.

P R O P H E T I Æ.

*Iere. 20.* FACTVS sum in derisum tota die, omnes  
subiannant me.

Audi.



*Audiui contumelias multorum, & terro. Ibidem.  
rem in circuitu.*

## DOCUMENTA.

1. **S**IMULATE Christum adorant, qui Religionem professi, vita nihil à sæcularibus differunt. Item qui in animo cogitationibus dissipati, sine sensu, exterius devotionem præ se ferunt, quique bonis monitis, quibus alios prudenter instituunt, ipsi non obtemperant.
2. Caput Christi arundine verberamus, cum immoderatis cupiditatibus rerum caducarum, aut alio quouis vanitatis & leuitatis genere, Christum, qui caput nostrum est, offendimus. Item cum in ipsius obsequio cessatores sumus, vacui actionibus bonis, aut cum in agendo aliud quicquam, præter ipsius gloriam, sequimur.
3. Cum arundinis in modum, sentimus nos esse flexiles, fragiles, & infirmos, in manus Iesu debemus nos collocare, ne tentationis ventus nos terræ affligat.
4. Spuunt in faciem Christi, qui quo tempore preces aut Dei laudes recitandæ sunt, animum per alienas & inanes res vagum esse patiuntur.
5. Erubescite, humana superbia, cum vides Dominum tuum & Deum arundinem manu gestantem, frustra vestis semiamictum, irrisum, & illusum ab hominum genere infimo: & tu adhuc, qui te sequi illum profiteris, non sine cura quaris bonas & delicias vestes, laudes & hominum famam, captas.